

# عاشق ومعشوق

ديوان بالعامية المصرية

دنيا السركي

دار  
العالم  
للنشر والتوزيع

عاشق ومعشوق

المؤلف : دنيا حسن سعيد السركي

الطبعة الأولى : ديسمبر ٢٠١٧

التنسيق الداخلي : رفعت حسن سيد

دار العلوم للنشر والتوزيع

ص.ب : ٢٠٢ محمد فريد ١١٥١٨

هاتف : ٠١٠٦١١٦٠٩٨٨\_٠١١٤٤٧٦٤٠٠٠

الموقع الإلكتروني : [www.darelloom.com](http://www.darelloom.com)

البريد الإلكتروني : [daralloom@Hotmail.com](mailto:daralloom@Hotmail.com)

صفحات التواصل الاجتماعي :

[Facebook.com/Darelloom](https://www.facebook.com/Darelloom)

Twitter : @Darelloom

جميع الحقوق محفوظة ...

رقم الإيداع : ٢٠١٧/٢٨٩٢٢

الترقيم الدولي : ٩٧٨-٩٧٧-٣٨٠-٥٤٣-٢

دار  
العلوم

للنشر والتوزيع

إن الآراء الواردة في هذا الكتاب لا تعبر بالضرورة عن رأي دار العلوم للنشر والتوزيع

يُمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى بما فيها حفظ المعلومات، واسترجاعها من دون إذن خطي من الناشر .

# الإهداء

إحترت أهدي الديوان

للأهل والأصحاب

ولا للناس الأغرأب

فقررت بكل هدوء

أهديه للي عارف إنه عاشق

واللي حاسس نفسه معشوق



# شعر منفصل منصل

\*\*\*\*\*



## كتر الركنة

أنا قلبي اشتكى من كتر الركنة

وآلام كثير جواه بقيت ساكنة

أنا بعرف أتكلم حب

بس الفرق فرق اللكنة

## لو كان في وقت

لو كان في وقت يا قلبي عشان نحب

مكتتش اتأخرت عليك

هي بس مش مسألة وقت

لأده أنا خايف عليك

إنت مش حمل الجرح اللي بيجرحوه الأحباب

ولا حمل صدمه حبيب لو طلع كداب

## علاقة ما ننفهمش

ما بلاش يا قلبي تقربني منه

عشان ما نتجرحش

هيكون لي فترة وهكون له فترة

في علاقة أصلا ما تنفهمش

## بوصلة القلب

قلبك عمرك ما هتتحكم فيه

هتفضل ماشي وراه تداديه

شايفه رايح لحد سيب زمامه عليه

لو من نصيبك مفيش حاجة هتمنعه عنك

لو ربنا رايد هيقربه منك

لقيت السكة مش سالكة عقله

بوصلة القلب مش في إيدنا

نودها يمين وشمال

تلاقي قلبك سايقك لحد محال

كنت تفكر فيه قبل كده

القلب لسه جواه كثير ما قالوش

حاجة بتخليه يستنى وتحوش

القلب لو نسيه يبوش

يا رب لحبيبه ما تحوجوش

# أمارة حب

لما قرئت ال ١٤٠ حرف اللي كتباهم

حسيت إن أنا المقصود

بين كل حرف وحرف مليون كلمه مخياهم

مكتتش عاملة حسابها

و بنظرة سريعة في حسابها

لقيت إنني في كلامها موجود

في أغنية مشيرها وقاصدة معانيها

و أنا لسه مكتتش حاسس حاجة ناحيتها

برغم إن في ١٠٠٠ أمارة وأمارة تأكدها

## إشارة حب

لو كان الحب بيدي إشارة قبل لما يلمس قلبنا

كنا استعدادنا وجهنا نفسنا

ع التطورات اللي هتحصلنا

ع السهر ووجع القلب اللي هيبقى من نصيبنا

## أعراض الحب

الحب ده زي الأمراض ليه أعراض

حبيبك لما تشوفو ضربات قلبك بتزيد

ووجع القلب اللي بتحسه وهو بعيد

وعينك لما يبقى مليها دموع

صوتك بيحشرج مبيقاش مسموع

ده غير ضعفك وقت وصفك لزعل منه

## مفیش داعی

مفیش داعی لوجع القلب ده کله

متخبیش علیه حبک وروح قوله

ما ترضاش بعذاب الحب أو ذله

## قلب حديد

قلت له قول كمان وعيد

ما تخفش عليا قلبي حديد

متأكد م اللي أنا حاساه

بس اهو برضو زيادة تأكيد

# حاولت أنكر

عمري لحظه ولا يوم

لما طار من عيني نوم

يوم ما ضحكة واحدة منك

هونت كل الهموم

لما قلبي دق دقة

يوم ما شافك من بعيد

وحاولت أنكر بلأه

وأنا إحساسي بيزيد

# نلف حوالين نفسنا

لما حب يسكن قلبنا

بيخلينا نلف حوالين نفسنا

وتفاصيل كانت بتعدي

دلوقتي بقت بتهمنا

# حصن الامان

حبك ده كان حصن الامان

وقت التوهان والهديان

عدلت بوصلتي ورضيت بقسمتي

حبك ده غير كل حاجة وونس وحدتي

## طريق عنة

نور نور طريق عنة كنت ماشي فيه

طوق نجة وسط الغرق بلاقيه

قلب صافي مفيش غير الخير جواه

أمل باين على وشي مش عارف أنساه

نساني عذاب كنت بفتكره مع إننا سيبناه

# قلبي جامد

بقيت بزعله وأقول هاصالحه بكلمتين

صحيح بحبه وبعشقه

بس قلبي جامد حبتين

يكن عشان هو طيب

و بيصفي في ثانيتين

بقوي قلبي عليه

## كله بينعوض

حافظ ملامح شكلك برسمها وأنا مغمض

أنا حلال مشاكلك في حبك أنا مستمرض

كله إلا زعلك غير كده كله بيتعوض

يا أحلى وش رسمته بكل تفاصيله

لو شخص عليك غالي ممكن تعديله

غلطة ف لحظة قلبه مكنش فيها دليله

## لو قلت لك

لو قلت لك نتفارق متصدقينش

عشان أنا بقولها لك تهويش

صدقته وعيشت الأوهام

وبقيت بتقول أي كلام

أنا لو عايز أفارقك ما هقول

مش محتاج أعمل أفلام

## عرف غلطنه

يا قلبك وقسوته

أنا واحد عرف غلطته

مش عايزة تسأحي ليه

اعترفت لك واعتذرت

غلطت يعني هو أنا كفرت

ندمان وعارف غلطتي

وأنا اللي اخترت

ما يقاش قلبك قاسي عليا

ساحي وقويلي ضعفي

مش هتبقي إنت وذنبي عليا

ساحي حبيبك واعفي

غلط طيب يا سיתי حقك على راسي

متقعديش ترمي لي ف كلام وتباصي

أي واحد تاب

كان ف الأصل عاصي

## حد عنده إحساس

كلامي معاك ع العين وع الراس

بس حقيقي أنا لسه متغاظ

و مش قادر أنسى اللي عملته

مش حكاية إزاي تطيب خاطري

الكلام ده مفيش أسهل منه

الأزمة إنها جت في حد عنده إحساس

## مفیش نصیب

حد قالک غیب حد قالک سبب

بیقی الغلط فینا ونجیبها ف النصیب

لو مفیش نصیب مکناش اتقابلنا

ولا عینک جت ف عینا

ولا اتخطیت فی طریقنا

لو مفیش نصیب

ولا کنت هتشتاقلی

وهجبتک علی مهلی

وکنت هبقی عادی

زی زی الغریب

## فهماه أكثر من نفسه

وهو يقول كده أنا كنت محضرة الرد

أنا فهماه أكثر من نفسه

ومش سهل نضحك على بعض

## كدبك خلص

إنت مين؟! يا ريت تفكرني

إنت اللي فضلت الناس منه تحذرني

اللي أول حاجة عملها ف حياته إنه باعني

إنت أصلا مش مهم مش لازم أفتركك

كدبك خلص ومحتاج ناس تكذبك

لو بتغرق أنا مش همدلك

إيدي عشان معاك تغرقني

# هارشين

ده إحنا نبقى على نياتنا وطيبين

لو صدقنا كذب واحد مرتين

حتى لو مغير طريقتك

الفرق المرة دي إننا هارشين

## لو حنى صدفة

شاور لي ع الطريق اللي هتمشي منه

عشان أنا مش عايزة نتقابل تاني

ولو حتى صدفة

معمل مجهود هتخيل إنك مش موجود

واحد ما قبلتوش

ولو حتى صدفة

# أشطن من الشيطان

بتحبها فعلا ولا أنت شيطان

إعجاب يعني ولا حب دفين

اللي عارفك عارف إنك شيطان

ما تتمش بصلة للبني آدمين

شرك سابق خيرك

باصص للي في إيد غيرك

الغريبه إن في ناس حبينك

وقابلينك ومش معترضين

## العشمانين

يالي كدبتو علينا دلوقتي مرتاحين؟!

ما هو ده بيبقى جزاء العشمانين

يتخدعوا ف حبايبهم والحزن يبقى صايبهم

أيام يتعدو بيبقوا فيها فرحانين

# القسوة

بإمارة إيه واحد يبقى عارف

إن في حد بيحبه ويقسى عليه

يعني مفيش سبب

يبقى القسوة دي مصدرها إيه

## كل كلامها عليه

أنا مش عارف إيه

أنا مش عارف ليه

كل كلامي عليها

وكل كلامها عليه

نوع م الاستعباط

ولا دي حركات

عايزة تعمل بيني وبينها

مسافة وممرات

## بنقارني بيهم

أنا بختلف عن كل اللي عرفتهم

لا طبعي طبعهم ولا تفكيري زيهم

يبقى ليه بتقارني بيهم كلهم

أنا غير قابله المقارنة

وحتى لو هنتفارق يبقى ده قدرنا

مش هينفع أبقى نسخة منهم

## ١٠٠ فرصة

أعمل في قلبي إيه في صراع مع عقلي

عقلي بيقلولو ليه وقلبي بيقلولو يعني

نديله فرصة تاني ممكن يسمعي

إديته ١٠٠ فرصة ودايما بيوجعني

## بنقولها نهديد

هتبعد كنت دايمًا بتقولها تهديد

ويبقى عارفة إنها من ورا قلبك

بس المرة دي طلعت منك بحق وحقيق

ومن جوة جوة قلبك

مكنتش هزار ولا قلتها باستهتار

كنت قاصدها علشان عنك تبعدها

بتحاول تمحي فكرة إنك عيان بيها ومريضها

وتخط نهاية قصة تبقى إنت اللي فارضها

# الطلب رخيص

غالي والطلب رخيص

هو إنت يعني جيت في جمل

أنا مش غاوي ع السلالم ترقيص

وإنت مفيش منك أمل

ده أنا كنت خلاص قربت أصدق

إني معمولي عمل

من ساعة ما عرفتك وأنا حالي متشقلب

صدق اللي قال لي بتدحلب

# مكتش أنخيلة

يوم مجاش في بالي كان يوم خيالي

يوم مكتش أنخيلة

كان ممكن أقولة الحقيقة

بس الحقيقة هتقتله

# صعب علينا

الفراق صعب علينا

إحنا وكل اللي حوالينا

اللي مجربوش سمع عنه

لو بس كان بإيدينا مكناش سهرنا ليالينا

ولا كنا قربنا منه

## حنة من قلبك

اللي يفارق بياخذ حنة من قلبك معا

و بيبقى فاكر إنه هينساك وهتساه

بس الحقيقة مفيش حد بيتنسي

بتبقى هتموت وتكلمه

تبرئ نفسك قدامه وتفهمه

ومع أول كلمة يحسسك إنه قسي

ويمثل إنه نسي

هو ولا بيبقى قاسي ولا حاجة

وعملها حركة عشان يعذبك

ده يمكن أكثر منك هيموت ويكلمك

بس يمكن جرحه لسه مادواش

## عاشق أو معشوق

اللي بيغيب بيقالة نصيب من وجع القلب

واللي مش ناوي يرجع

واللي يطيب جرحه الأول معلوش ذنب

واللي يسيب قلب وعارف إنه بيحبه

يبقى معندوش قلب

وسواء عاشق أو معشوق

لازم من وجع القلب هدوق

## دمر قلبي

جزائي اللي أنا حبيته ولا إيه

الحب دمر قلبي وخلص عليه

بقيت بشوف الناس مبحسش بجد

بقي بيني وبين نفسي حيطه سد

# قالولي

قالولي اللي بيتخان بينسى

مش دايمًا ولا في كل الحالات

اتعذبت وأنا في بعده

ودي كانت عينات

الطريقة دي مش نافعة

وخصوصًا معايا أنا بالذات

## لسه بدري

بنقابل ناس شبهم في الشكل

ولسه بتلخبط في أساميهم

أما إحنا طيين بشكل

دول لسه جوانا جوانا لو دورنا هنلقيهم

كنا بنضحك على روحنا

في أي حاجة بنلهيهم

لكن اللي لازم نواجه نفسنا بيه

لسه بدري عشان قلبي يقول نسيهم

## عائش بأوجاعه

سنين عمالة بتعدي والواحد عائش بأوجاعه

واللي بيهون إن في كثير أوي اتباعوا

لا كنت الأول ولا الأخير

اللي اتخدعوا كمان كثير

## بلوم نفسي

كتبت جراحي بالترتيب

بلوم نفسي إيه اللي يعيب

مش فارق سبتني ولا سبتها

مش شاغل بالي وجع قلبها

ولا فكرت أتكلم ولا عاتبته

والوقت عدى وعوضتها

## بقو زيهم

كل الدموع اللي نزلت مرجعتش حد منهم

كل اللي حكوا عليهم دلوقتي بقوا زيهم

قاسيين بيكررو نفس اللي حصلهم

مش مغييين وبعقلهم

الدنيا دين داير علينا وكلنا مديونين

## قلبي ما طوعنيش

قلبي ما طوعنيش يوم يعدي

من غير ما أطمئن عليها

مفيش حاجة بتعدي إلا وبتفكرني بيها

ده أنا كنت بدعي ربنا قبل أما أنا

عشان أحلم بيها

بعد شوية التحول الشوق الزيادة لمجرد عادة

اللي باقي منها إني بطمئن عليها

# قلقان

أنا مش قلقان الوقت كده كده هيعدي

أنا مش قلقان إن أبقى لوحدي

أنا كنت جبان وخايف نتفارق

وده أكثر وقت أنا فيه صادق

# الفصة

هروح فين منهم

من عيونهم من سؤالهم

من حكاويهم

الفصة بقت قصة

استحلوها وبتسليهم

مش فارق مين أبطالها

الجروح جاري إبطالها

آخر مرة وهبطلها

لحد ما ألاتي حاجه تداويهم

# داء الدين

هنشاق لمن

ما إحنا صابنا داء الحنين

بيجي ف مواعيده واللي بنعيشه بنعيده

بوجع القلب ملتزمين

## هنكدب

هنكدب وهنكتب إنا فرحانين

وننزل صور كأننا مبسوطين

نقول خلاص كده مستكفين

ونقوم عاملين تاج ومشيرين

تيجي ضمن تعليقات الناس الفاهمين

"معلى ما ده كله عشان كنتم متعشمين"

# القييل والقيل

كل عام وإحنا تمام

بنحاول نتناسى الآلام

نضحك وإحنا مدمعين

عشان بس القيل والقيل

عشان ما نتسألش سؤال

نسيته ولا لسه بتحاولوا تنسوا

زي كل عام

## نبدیل ادوار

فی ناس بتحب تبدل الأدوار

من علاقة للتانية

یعنی مثلاً لو اتجرحوأ عایزین یجرحوأ

لو اتسابوا عایزین یسیبوا

لو اتكره عایز یكره

على أمل یرجع حقهم

## وقت الزعل

ممکن تقول كلمة مش حاسسها

أنا مکتتش ناقصها

تيجي على جرح يعلم وتجرح في القلوب

وقت الغضب إسکت ما تقولش حاجة تندم عليها

وقت الزعل إجمد ومشاعرك داريها

## أجرحه

يا قلبي لو عايز تجرح أهو قدامك اجرحه

بس ما ترجعش تندم وتحاول ترجعه

هيبقى رد فعله أسوأ مما تتخيله

وهيبقى عنده ١٠٠ حق في اللي بيعمله

## مفیش حد یسنهانا

الكلام الدایر ما بینا مفیش حد بجد یستهلنا

طیب لیه هنعذب نفسنا

دیتها ایه هندوس علی قلبنا

هنحب ولا منهتمش

موضوع الحب ده بینه هیتهمش

فی عز شبابنا وشینا بیکرمش

م الحزن لیه

والله بجد أنا ما بقفش

بس إحنا قدامنا حیطة وهنخیش

## انتقام محب

بفكر أنتقم حتى لو مش هتفهم

انتقام اللي يجب ما بيقاش فيه دم

ده بيقى حرقة دم وبيقى رصاص كلام

مش رصاص حي

شحن ذانجی

\*\*\*\*\*



## الودع

لما بتمر بمحنة بيتغير فيك كل شيء حتى السحنة

وتفضل تسأل العيب فيهم ولا فينا إحنا

قولها بصراحة مفيش حاجة تخوفك

وإوعى تسمع كلام واحد بكلمتين ييلفك

خليك شجاع خليك جدع

محدث هيعرف مصيرك

حتى لو ضرب الودع

## برومو

اعمل لنفسك برومو

وحط فيه أحلى حاجات فيك

هتلاقي الناس يشوفوه

واللي بايع يشتريك

ممکن تعملو في صورة أفلام تحريك

أو تقلبه كوميدي وإفيهات بالتدریج

حط أحلى صورة فيه

طلع أحلى كلام فيه

قول مميزاتك وانسى العيوب

# كل الفرص

مش مسموح يكون لك

ف الزمان ده طموح

بتعيش حياتك كلها

عشان تحوش كام لحلوح

في ناس بيخافوا يبقو أغنيا

بينصحوك فاكرين نفسهم أنبيا

هيفقروك إوعى تسمع كلامهم

إمشي من قدامهم وروح

مستني إيه! مستني ليه؟

استنفذ كل الفرص

مستني لما تموت

ويطلعو يزوروك بقرص  
غير حياتك زود أمانك  
إهرب من كل الحرس  
اللي ف خيالك مكتفينك  
إنت ع الباب اضرب الجرس  
الدنيا هتفتح لك بابها  
هترمي عليك وردها وهبابها  
وإنت عليك تقبل وتفادي  
لو مش عجبك عادي  
أدينا عايشين أدينا راضين  
ليمين على الماضي

## محسودين

عایش لیه عایش لین

تاعب نفسک لیه ما کلنا ماشین

مکبر لیه مشاکل تافهین

مش قادرین نبقی مبسوطین

کل واحد خایف م العین

علی ایه هنبقی محسودین!

اللی عندنا مش عند غیرنا

ولا عارفین مصیرنا

ده إحنا حضرنا وعاصرنا

کل بلاوی السنین

## ملايين النفوس

ع الكوكب في ملايين النفوس  
إنك تقابل زبالة ده مش ذنب دي دروس  
هتتعلم وتحفظها وتمتحن في اللي بعديها  
هتعرف تجاوب نص النفوس  
هتسقط في الباقي وبعدين تلاقي  
حاجة تحسها جياالك كده مخصوص  
هتفضل تبص يمين وشمال  
مش هتلاقي حد يغششك  
هتخيش ومفيش حاجة هتنفدك  
غير حنكة اتعلمتها في باقي الدروس  
يا تفضل على سجيتك يا تبقى خلبوص

# الضحكة

الضحكة باسبور بني آدم دوننا عن كل النبي آدمين

الضحكة بتسهل طريق واقف فيه كل الإتمين

الضحكة تخليك متفائل وسط المتشائمين

الضحكة تبين أسنانك وتغيظ بيها الباقيين

الضحكة تحسن أحوالك وتهون أهوالك في زحمة الميادين

اضحك ضحكة تبقى طالعة من القلب

اللي حوالياك ناس ملهاش ذنب

يشوفوا دموعك ويتأثروا

يزعلوا عليك ويتحسروا

# داوي جروحك

خيٲ وإبرة وداوي جروحك

إفضل بجسمك وابتعد بروحك

واللي يشوفك ما تحسسوش إنك متألم

مثل عليه واتقن شخوصك

## موضه

عملت ما بدالك ووقعت في شر أعمالك

عرفت بقى إن الشر أخرته سودا

هو صحيح انتشر وبقى موضه

بس زي أي موضه مش بتليق ع الكل

وإنت لسه فيك خصال طيبة

ف الحق نفسك قبل ما تدوق طعم الذل

وسيب شرك وحقك هيوصلك

# العمر بيناكل

العمر بيتاكل في جروح ومشاكل

بيضيع نصه وزيادة عشان تعرف نفسك

وتحدد إيه اللي بتحبه إيه اللي يريحك

إيه اللي تلاقي فيه روحك وإيه اللي بيمنعك

تحقق حلم أو اتنين

وانت بتتكل على غيرك

# السرحان

إنت ما تملكش غير السرحان

ممکن تسرح إنك قبطان

ممکن تتخيل نفسك عندك أطيان

أرض وغيظ وبقرة وجاموس

أو تتخيل نفسك جاسوس

أو دكتور ف مركز البحوث

أو عالم ذرة أو باحث ف مجرة

أو حلم اتحقق وفرح صاحبه

أو واحد مات فدى صاحبه

أو قلب سليم لسه ما انجر حش

أو تطيب خاطر نفع

أو واحد كان غايب ورجع

أو زمن شديد القسوة

أو واحد دمرته نزوة

أو جرح عميق أو فرحة بعد ضيق

## الأيام سيقاك

حاجات كثير ف حياتك مخلياك تمل

قربك من روحك عمال يقل

شايف الحقيقة مش عارف تتحكم فيها

الأيام سيقاك وإن بترضيها

مش راضي تربط ولا تحل



**حيرة والذي منه**

**\*\*\*\*\***



# رداري

ظيطة وظمبليطة ونور وكراسي

وأنا بإحساسي ورداري

اللي بيكشف الكذب لما يزيد

والضحكة الصفرة لما تزين وش

والصالح لما يحولوه عربيدي

## رطيدى

رصيدى فلوس ولا نفوس قابلتها

أيام عاشت فيا وبالتالي عيشتها

وحنية من أقرب الناس ليا شحتها

ولا أيام فاضلة لي بعدها

## بكام

بايعين الكلام كلامكم بقى بكام

بيغلى زي ماكل حاجة بتزيد

ولا الموجود مكفي وبيفيض

كلام الحب مفيش أكثر منه

كلام العشرة مفيش أرخص منه

كلام المسكنة شاح

كلام المحلسة ده بالتحديد

أكثر حاجة عليها طلب

لو سألت هتلاقي سعره ضرب

# الأحزان

من غير قالوا ومن غير قولنا

الأحزان قالت سيهولنا

إحنا متعودين عليه

من زمان ده زبونا

## فاض بيا الكيل

معنديش حاجة م الكيل اللي فاض

مش باقي من حرقة قلبنا غير الرماد

مش انكسار ولا إحساس اضطهاد

ده إقرار حقيقة مش اعتراض

## يد العون

ماشين في طريق آخره سد

مستنين يد العون تتمد

بس ملقناش حس لحد

اقعدنا قد إيه تعبنا م العد

## بلاش نبر

مفیش عندي أكثر م الصبر

هي مش هندسة ولا جبر

ومش ماشية فبلاش نبر

صبر فوق الصبر يعملوا صابرين

محدث عنده روح عشان يبقى عنده روحين

مش باين لها بيان ياعم اقل الدكان

ده حلم وبقاله زمان

لأ قصدي بقاله زمانين

## كلنا خايفين

- طول الوقت كلنا خايفين
- ما ده طبيعي في البني آدمين
- اللي خايف على دنيته
- واللي بيشتري بالدنيا آخرته
- واللي الأحوال دايمًا حجتة
- واللي عرف يعدي من محنته
- واللي العار قام سكتة
- واللي تاه عن سكتة
- واللي وفى عدته
- واللي الظروف قبل الأوان كبرتوه

## كشاف

الأيام تمضي كسراب ع المدى مش متشاف

الصورة لسه مش واضحة لازم تسليط كشاف

أنا كل ما أكرر أحكي أرجع في كلامي وأخاف

طلعت منيش فاهم حاجة وفاكر نفسي شواف

في عرض البحر ومفيش في أيدي مجداف

# غالبية الناس

الناس غالبيتها مش عارفة حقيقتها

اللي فاكر نفسه طيب وهو بالضبط العكس

واللي فاكر نفسه قوي وهو ممكن يتكوم من بوكس

واللي فاكر نفسه تقي ومن ربنا قريب

عمال يفترى ع البعيد والقريب

## التزكه

إيه الفكرة ف تقسيم التركة  
على حياة عين الشخص  
هل علشان يشوف بعينه النقص  
وتدبيح الخلق على كام ورقة ملونة  
هيجبلهم كام حاجة ف الدنيا  
هو ليه قليلة الناس الزاهدة  
اللي الدنيا مش فارقة معاهم  
ولا بيعجروا وراها ولا بيترجوها  
ولا يبسبوا فيها ويلعنوها  
هل من مزيد زي النار لما تقيد  
عايزين أكثر ما يبشبعوش

قاعدين يملو في كروش  
وياكلوا في لحم الناس الحي  
ولا تقولي أمين ولا عارفين ربنا من أصله  
الواحد فيهم يغتني وينسى أصله  
ويدوس ع الكل ويقطع علاقته بعشرة زمان  
بيبعو ويشتروا في الملايين  
ولما تيجي تسأل طب وإيه الممتع في اللي بتعملوه  
قلبكم ده مش بتستعملوه وبتسقعوه  
ممکن فيهم يطلع واحد عنده دم  
بس الباقيين ولا حاسيين

# عذاب

عذاب عايشينه معاشرينه

شکلنا کده متبنيه

في حاجات کثير مبینه

نیچی نتکلم نقوم مأجلينه

حاسین بیه وقلبنا مغمينه

نعمل إيه قدینا قاعدین للفرج مستينه

## بالتقسيت

أنا جبت الناهية بعد ما كنت تور في ساقية

رميت كل حاجة ورايا في داهية

اشترت نفسي بالتقسيت

بس قعدت فترة عبيط

كنت بقبل أي حل ولو بسيط

لكن خلعت الموضوع من جذورة

لو مش عاجبهم يغورو

كل واحد يبص لنفسه ويستنى دوره

## بضدك في وشك

بتضحك في وشي بضحك في وشك

والله أعلم بالي في القلوب

ممکن تكون بتغشني ممکن بغشك

مين هيعرف دهاليز الدروب

كله عند علام الغيوب

## نغمة

العين دائما مرغرة

من كثر التعب والشقى

إمتى هتتعدل ونحس بنغمة

بتتحرك بس متحوطن بشرنقة

الدنيا

\*\*\*\*\*



## مش معترض

يا دنيا أنا مش معترض

عارف إنها أرزاق

بس تمن الصبر غالي أوي وحراق

يا ريتنا لقينا الدوا لما عرفنا الداء

يا ريتنا شميننا الهوا قبل أما يحولوه لوباء

يا ريتنا سمعنا النكتة قبل أما تبوخ

يا ريتنا عرفناكي دنيا سهلة مش دنيا تدوخ

## نالت ومثلت

مش طالبة تأنيب ولا عذاب ضمير

طلاما ممكن تعدي

وانت فاكر إن الحياة مش هتاخذ حقها

دي هتخلصه منك تالت ومثلت

فبلاش بقى تتلت

واعرف إنك ضيف فخليك خفيف

الدنيا مش نقصاك أصلها

## عمالة نتربص

الدنيا عمالة نتربص

وأنا واقف على سلم بترقص

لا أنا طایل سما ولا طایل أرض

ده أنا زي ما أكون واخذ قرض

وعمال بسدده

الدنيا بتقفش ف اللي بيترددوا

## مجرد عينه

هو إنت لسه شفت حاجة

دي مجرد عينة

إنت فاكرها زي أمك هتبقى حنينه

دي لازم تلطشك

يبقى في إيديها الميه وتعطشك

عشان تبطل تتغر

إنت دورك في الجملة مجرد حرف جر

فيا تجر يا تتجر

# رباط ضاغط

الدنيا رباط ضاغط على روحك

بتجري وتمرح عشان تحصل لقمة عيش

تجمعهم وتوزعهم هنا وهناك ع البقشيش

بتجري في طحونة وانت اللي سايقها

مفيش فرصة تحب نفسك وتريحها

هتلاقي سيف الدنيا على رقبتك هيدبحها

بتتعب عشان ترتاح بعدين

بتطفح الكوتة عشان تلم القرشين

# مباراة

الدنيا دي صعب تفهمها

عاملة زي بشر مش مكمله علامها

هي مباراه بس إنت مش من حكمها

**شر لا بد منه**

\*\*\*\*\*



مفيش حاجة قريب مش هنفرح بيكي؟؟  
 أقولكم إيه طيب!! يا دنيا لمي بلاويكي  
 اللي داق المر عايزنا ندوق منه  
 كل واحد حر بس إزاي لازم يزنوا  
 اللي لبس في حيلة نفسه نلبس معاه  
 أمشي نفس الطريق اللي كلنا مشيناه  
 وأقل كلمة بسمعها بتحسني آت ليست  
 إن أنا عنست  
 ومطلوب مني أتسرع وأدب على بوزي  
 أحب اللي أقابلة وأفرح إنه بقى جوزي  
 ويغلط كثير ويتسبله الحبل ع الغارب  
 أنا بغرق في وسط عقول ولازم لي قارب

## من غير ارتباط

معرفة وصداقة ٣ سنين

خطوبة زيادة عن سنتين

كان الشرط ارتباط رسمي وكتب كتاب

عشان بس نظرة الجيران والبواب

الجيران هيقولوا إيه

هما مال الجيران بينا

كلامهم ليه يجيبنا ويودينا

هو ينفع تفضل تدخل وتخرج من غير ارتباط

مفيش حاجة معمولة اعتبار

في نظام في انضباط

الأكل بميعاد والخروج بميعاد

ممنوع الاختلاط بولاد

## مفیش جواز

قائمة نائمة أمضي لي على قائمه

يا إما مفیش جواز

عايزة تمضيني ع المطبخ والحمام

وجميع قطع الأثاث وكمان الإزاز

بفكر أكسرها وازود العكاز

## اوفر دوز

قصري ف كلامك واتمسي

ليركبك جن وتتمسي

عمال بدادي فيكي وانت ولا بتحسي

على طول ضاربنا البوز

وخناق أوفر دوز

خلتيني قلبوظ وانت عماله تحسي

## الفلط مردود

كل حاجة وليها حدود

أصل باينة نمرود

يعني البادي أظلم والغلط مردود

معلش بقى يا عنيا

مينفعش تيجي عليا

ده الواجب والمفروض

بايديا أخذ حقي

هو ده بس المتبقي

قلبنا قلب إسود

## فهرس المحنويات

٥	شعر منفصل متصل
٧	كتر الركنة
٨	لو كان في وقت
٩	علاقة ما تفهمش
١٠	بوصله القلب
١٢	امارة حب
١٣	إشارة حب
١٤	أعراض الحب
١٥	مفيش داهي
١٦	قلب حديد
١٧	حاولت أنكر
١٨	نلف حوالين نفسنا
١٩	حصن الامان
٢٠	طريق عتمة
٢١	قلبي جامد
٢٢	كله بيتعوض
٢٣	لو قلت لك
٢٤	عرف غلطته
٢٦	حد عنده إحساس
٢٧	مفيش نصيب
٢٨	فهماه أكثر من نفسه
٢٩	كدبك خلص
٣٠	هارشين
٣١	لو حتى صدقة
٣٢	أشطن من الشيطان
٣٣	المعثمانين
٣٤	القسوه
٣٥	كل كلامها عليه
٣٦	بتقارني بيهم
٣٧	١٠٠ فرصة

٣٨	بتقولها تهديد
٣٩	الطلب رخيص
٤٠	مكتش أنخيلة
٤١	صعب علينا
٤٢	حثة من قلبك
٤٣	عاشق أو معشوق
٤٤	دمر قلبي
٤٥	قالولي
٤٦	لسه بدري
٤٧	عاش بأوجاعه
٤٨	بلوم نفسي
٤٩	بقو زيهم
٥٠	قلبي ما طوعنيش
٥١	قلقان
٥٢	الغصة
٥٣	داء الحنين
٥٤	هنكذب
٥٥	القبيل والقال
٥٦	تبديل أدوار
٥٧	وقت الزحل
٥٨	اجرحة
٥٩	مفيش حد يستهلنا
٦٠	انتقام محب
٦١	شحن ذاتي
٦٣	الودع
٦٤	برومو
٦٥	كل الفرص
٦٧	محسودين
٦٨	ملايين النفوس
٦٩	الضحكة
٧٠	داوي جروحك
٧١	موضه
٧٢	العمر بيتاكل

٧٣	السرحان
٧٥	الأيام سيقاك
٧٧	حيرة والذي منه
٧٩	رداري
٨٠	رصيدي
٨١	بكام
٨٢	الأحزان
٨٣	فاض بيا الكيل
٨٤	يد العمون
٨٥	بلاش نبر
٨٦	كلنا خايفين
٨٧	كشاف
٨٨	غالبية الناس
٨٩	التركة
٩١	عذاب
٩٢	بالتقسيم
٩٣	بضحك في وشك
٩٤	نغمة
٩٥	الدنيا
٩٧	مش معترض
٩٨	تالت وملت
٩٩	عمالة تتربص
١٠٠	مجرد عينه
١٠١	رباط ضاغط
١٠٢	مباراة
١٠٣	شر لايد منه
١٠٥	٢٩
١٠٦	من غير ارتباط
١٠٧	مقيش جواز
١٠٨	اوفر دوز
١٠٩	الغلط مردود